



Broj: 05-04-3621-42/23
Sarajevo, 03.03.2023.g.

SKUPŠTINA KANTONA SARAJEVO

- OVDJE -

n/r Elvedin Okerić, predsjedavajući

PREDMET: Odgovor na zastupničku inicijativu

Zastupnik Skupštine Kantona Sarajevo Elvis Vreto je, na četvrtoj Radnoj sjednici Skupštine Kantona Sarajevo, održane 08.02.2023. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. stav 1. Poslovnika Skupštine Kantona Sarajevo "Službene novine Kantona Sarajevo" - Drugi novi prečišćeni tekst - br.: 15/13, 47/13, 47/15, 48/16, 9/20, 14/20, 16/22 i 17/22-Ispravka) uputio zastupničku inicijativu "za planiranje sredstava i uvođenje programa poticaja/sufinansiranja kod ugradnje solarnih panela za proizvodnju električne energije, sistema toplotnih pumpi i slično, kako za individualna domaćinstva, tako i za poslovne subjekte u Kantonu Sarajevo, kao odvojena dva programa".

ODGOVOR:

Raduje nas inicijativa koju ste podnijeli na posljednjoj Radnoj sjednici Skupštine Kantona Sarajevo. Okoliš, kao jedna od ključnih instanci za očuvanje zdravlja i blagodat ljudi, osnovni je zadatak Ministarstva komunalne privrede, infrastrukture, prostornog uređenja, građenja i zaštite okoliša. Ovo ministarstvo, pored ostalog, posljednjih deset godina intenzivno radi na provođenju programa i projekata u službi zaštite zraka i energijske efikasnosti, te zaštite okoliša uopšte. Danas smo, u Kantonu Sarajevo, suočeni sa dodatnim izazovom, koji je u direktnoj korelaciji s okolišem i uslovima u okolišu, a uzrokovani su, pored ostalog, nestabilnim tržištem energenata.

Veliki broj domaćinstava u Kantonu Sarajevo su individualna ložišta koja nisu priključena na centralizovani sistem grijanja. Ova individualna ložišta, kao energent za grijanje koriste zemni gas, pelet, drvo ili ugalj. Osim zemnog gasa, koji ima neznatan uticaj na kvaliteta zraka u KS, ostali energenti značajno onečišćuju ambijentalni zrak.

Potrebe za energijom su u stalnom porastu. Donošenjem ambicioznog Zelenog Akcionog Plana Europske Unije, članice su se obavezale da će u narednom periodu potpuno zamijeniti energiju iz neobnovljivih izvora energije sa energijom iz obnovljivih izvora. Potpisivanjem Sofijske deklaracije, kao i drugih energetske sporazuma, Bosna i Hercegovina se obavezala da će svoje potrebe za energijom, u većoj mjeri obezbijediti iz obnovljivih izvora, a u cilju dostizanja klimatske neutralnosti. Ovo ministarstvo i Vlada Kantona Sarajevo je postavilo ambiciozne ciljeve zaštite okoliša i opredjeljenja Bosne i Hercegovine kroz Odluku o usvajanju Zelenog akcionog plana Kantona Sarajevo (GCAP) za period 2021.-2031.godina („Službene novine Kantona Sarajevo“ br. 25/21), kao i kroz Odluku o donošenju Kantonalnog plana zaštite okoliša Kantona Sarajevo („Službene novine Kantona Sarajevo“ br. 20/21 i 21/21).



Jednako prepoznajući da je očuvanje okoliša u direktnoj vezi sa kvalitetom života građana u Kantonu Sarajevo, ovo ministarstvo se odredilo i kroz "Studiju poboljšanja energetske efikasnosti domaćinstava koja koriste osobe u stanju socijalne potrebe u Kantonu Sarajevo". Ova Studija je urađena kroz razvojni program Ujedinjenih Nacija u BiH, a za čiju implementaciju je zaduženo ovo Ministarstvo i Ministarstva za rad, socijalnu politiku, izbjeglice i raseljena lica Kantona Sarajevo.

Ulaganja u individualna domaćinstva i energetske potencijal istih se odvija kroz programe finansijske podrške ovog ministarstva na osnovu provedenih istraživanja i studija realnih potreba. Program sufinansiranja ugradnje solarnih panela trenutno se pokazao kao neodrživ i bez veće koristi za individualna domaćinstva. Razlog za ovo je činjenica da postojeći zakoni na federalnom nivou ne pružaju povoljne uvjete individualna domaćinstva u postupku proizvodnje energije. Novi nacrt zakona o obnovljivim izvorima energije trenutno je u parlamentarnoj proceduri i neizvjesno je kada će Zakon stupiti na snagu. Po trenutnim aktuelnim cijenama električne energije u FBiH, kao i komplikovane procedure postavljanja solarnih panela, nema opravdanosti za individualna domaćinstva.

Stoga, ulaganja u ove izvore energije u ovom trenutku ne bi imalo zadovoljavajući stepen povrata uložene investicije tj. stvarne koristi za domaćinstva.

Ulaganja u toplotne pumpe je jedno od opredjeljenja ovog ministarstva kao dodatnog mehanizma pomoći za individualna domaćinstva i kolektivno stanovanje. U toku 2021.godine ovo Ministarstvo je raspisalo javni poziv "Pilot projekat subvencioniranja zamjene peći/kotlova na ugalj i ostala čvrsta goriva sa certificiranim pećima/kotlovima i toplotnim pumpama u domaćinstvima u Kantonu Sarajevo", dok je u maju 2022.godine donesena Strategija za ograničenje korištenja uglja i ostalih čvrstih goriva u KS 2022-2032. Strategija je izrađena uz finansijsku podršku Vlade KS, u okviru projekta "Zeleni ekonomski razvoj - GED" koji finansira Švedska, a provodi UNDP u BiH.

U narednom periodu, planiramo nastavak saradnje sa Razvojnim Programom Ujedinjenih Nacija i drugim donatorima, gdje ćemo uz vlastita i ino sredstva raditi na projektima okolišno prihvatljivih izvora energije, o čemu ćemo blagovremeno obavijestiti javnost.

Imajući u vidu činjenicu da su privredni subjekti u nadležnosti Ministarstva privrede Kantona Sarajevo, istom smo prosljedili Vašu inicijativu, a sve u cilju dobivanja cjelovitog odgovora.


Enver Hadžiahmetović, dipl.ing.maš.

Dostaviti:

- Predsjedavajućem Skupštine
- Stručna služba Vlade Kantona Sarajevo
- Služba za skupštinske poslove +CD
- Ministarstvo privrede Kantona
- Evidencija (x2)
- Arhiva

